

欽定禮記文疏

第二函
第八冊

欽定禮記義疏卷第二十五

月令第六之六

孟冬之月日在尾昏危中旦七星中

夏小正初昏南門見時有養夜織女正北鄉則旦日

在尾淮南子作招搖指亥

正義

鄭氏康成曰孟冬者日月會於析木之津

孔疏析木寅次之號而

斗建亥之辰也高氏誘曰尾東方宿燕之分野孔氏穎

達曰冬中也陽氣在中也或曰冬終也四時之終也於斗建

亥亥該也該闔於亥三統歷十月節日在尾十度昏危十四

度中旦翼初度中十月中日在箕七度昏室十度中旦軫五

度中元嘉歷十月節日在心二度昏危一度中旦張八度中

十月中日在尾十二度昏尾十三度中旦翼八度中

案此謂立冬後三十日也。十月爲陽月。於卦爲坤。嫌於無陽。故特以陽名之。月建亥而日在寅。亥與寅合也。唐月令。十月之節。日在房。昏虛中。曉張中。斗建亥位之初。十月中氣。日在尾。昏危中。曉翼中。斗建亥位之中。通書。立冬日在氐五度。小雪日在房三度。今時憲書。立冬日在氐二度。小雪日在房初度。古法。析木初尾十度。終斗十一度。今法。初房一度。終箕一度。

其日壬癸

淮南子上有其位北方

正義

鄭氏康成曰。壬之言任也。癸之言揆也。日之行東北從

黑道。閉藏萬物。月爲之佐。時萬物懷妊於下。揆然萌芽。又因以爲日名焉。孔氏穎達曰。律歷志。懷妊於壬。陳揆於癸。

陳氏祥道曰。壬數六。癸數五。同於爲水爲智。張氏慮曰。壬癸屬冬。以冬盛德在水也。

其帝顓頊其神玄冥

正義

鄭氏康成曰。此黑精之君。水官之臣。自古以來著德立

功者也。顓頊。高陽氏也。玄冥。少皞氏之子。曰脩。曰熙。張氏

慮曰。漢魏相傳。北方之神。顓頊。乘坎執權而司冬。顓之言專也。陰盛則靜而專。頊之言正也。冬氣升而其位正。故帝曰顓頊。春爲蒼天。知冬爲玄。南爲明方。知北爲冥。故神曰玄冥。

彭氏廉夫曰。水北方。玄深而冥昧。故取爲神之名。主冬而位北。

案顓頊。天水德之帝。玄冥。天水氣之神。高陽與脩熙。則人帝

人官之配食於此者也。

其蟲介。

正義戴氏德曰介蟲三百六十而龜爲之長。鄭氏康成曰

介甲也。象物閉藏地中。龜鼈之屬。高氏誘曰象冬閉固皮

漫胡也。朱氏申曰冬則後而智介蟲屬焉以其性辨也。

吳氏澄曰北方斗牛女虛危室壁七宿有龜之象故凡物之

甲者皆屬水。盧氏翰曰北方玄武七宿水屬其類爲介故

冬則其蟲介。

其音羽律中應鐘。

正義鄭氏康成曰三分商去一以生羽。羽數四十八。孔疏商數七十

二三分之爲二十四者三去其一故四十八其數最少聲最清清者最賤物比於人亦爲賤也屬水者以其

爲最清物之象也。冬氣和則羽聲調。樂記曰：羽亂則危其財。匱孟冬氣至，則應鍾之律。應鍾者，姑洗之所生，三分去一，律長四寸二十七分寸之二十，始洗長七寸一分強，三分之爲二寸七分強者，三去其一，得此數。周語：應鍾均利器用，俾應復。孔疏：應當也。言陰當代陽用事，百物可種藏，則均利百工之器，俾應復者，陰陽用事終則有始也。高

氏誘曰：陰應於陽，轉成其功，萬物聚藏，故曰應鍾。

漢志曰：

羽，聚也。聚藏萬物而字覆之，曰應鍾者，陰氣應無射，該藏萬物而雜陽闕種也。班氏固曰：萬物應陽而動，下藏鍾聚也。

韋氏昭曰：十月應鍾，坤六三也。管長四寸七分，陰應陽用事，萬物種聚，百嘉具備，時務均利，百官程度，庶品皆使應其禮，復其性。陳氏祥道曰：應鍾，建亥之律，始事者陽效法者。

陰陽始而倡之。陰成而應之。陰陽之道如是止矣。故曰應鍾。朱子曰。管子云。凡聽羽如鳴鳥在樹。太史公云。羽動腎而和正智。聞羽聲使人整齊而好禮。又曰。應鍾長四寸六分六釐。

存疑 王氏喬桂曰。應鍾長四寸八分。自無射降九分。

其數六。其味鹹。其臭朽。

其數六。下唐月令有其性。智其事。聽朽。淮南子作腐。

正義

鄭氏康成曰。水生數一。成數六。但言六亦舉其成數。孔

易天一生水於北。地六成水於北。但言六以成爲功也。

鹹朽。水之臭味也。凡鹹朽者皆

疏。

屬焉。氣若有若無爲朽。孔氏穎達曰。水所以在北方者。從盛陰之氣。所以潤下者。陽下從陰也。皇氏云。水數一。得土五而成。故六。冬味鹹。臭朽者。水之氣味。在氣則朽。在口則鹹也。

馬氏晞孟曰冬以陰極生水水之成形而潤下潤下作鹹故味鹹物以水化則其氣爲朽故臭朽

其祀行祭先賢

正義鄭氏康成曰冬陰盛寒於水祀之於行從辟除之類也

祀之先祭腎者陰位在下腎亦在下腎爲尊也行在廟門外

之西爲較壤厚三寸廣五尺輪四尺

孔疏較壇東西爲廣南北爲輪廟門外西常祀

行神之壇若國外祖道其壇隨路所向而廣輪之數亦同也

祀行之禮北面設主於較上

乃制腎及脾爲俎奠於主南

孔疏主以菩芻棘栢爲之

又設盛於俎東祭

肉腎一脾再其它皆如祀門之禮

孔疏皆逸中霽禮文

高氏誘曰行

門內地也冬守在內故祀之一作井水給人冬水王故祀之

也祭先賢行屬水自用其藏也張氏處曰凡有功能於人則

祀之冬與夏爲對。人之生不在家則在路。寵賴其養於家。行資其庇於路。其祀於冬者。車役其休之時也。朱氏申曰。行者人之所以往。冬則陽復而陰往也。祭先賢不取相勝者。以陰靜而物辨也。

存異

張氏處曰。賢當作心。水所勝也。

案揚雄蔡邕劉安皆謂冬祀井。蓋井水竈火皆功在養人。而夏火冬水亦於義爲合行。卽井也。易曰。往來井井。蓋祀井於汲道之旁。故云行歟。若行道之神。出祖則祭之。無常時。不當以列於五祀中也。但生民詩言取羝以軋。以興嗣歲。則周於歲暮實祀行。蓋行者往來之道。而歲暮亦往來之交。故於此祀之。然觀詩別舉其文。則似不在五祀中。揚蔡諸家祀井之

說亦或以此與春先脾夏先肺秋先肝皆食其所勝而中央不先腎冬不先心者五行惟水最卑五臟惟心最貴心爲君主之官最尊不可屈故以居中之位配之而最卑者亦不敢以干尊故但自食其所藏也張慮說非

水始冰地始凍雉入大水爲蜃虹藏不見

雉入大水夏小正作玄雉入於淮唐作野

雞入於淮

丁酉

鄭氏康成曰皆記時候也大水淮也大蛤曰蜃高氏

誘曰傳曰雉入於淮爲蜃虹陰陽之交氣是月陰壯故不見方氏慤曰冰卽水也水以陽釋冰以陰凝也凍氣閉而陽不能熙也孟冬重陰之始故冰凍皆於此始焉馬氏晞孟

曰雉火屬蜃水屬陽不勝陰而並與遷焉故化虹以陰干陽

則見。此時陽升陰降而弗通。故藏。張氏慮曰。水冰地凍。皆

氣凝也。雉之爲蜃。雉不自知。由得水而然也。虹。天地之淫氣。

見於春。乘陽也。藏於冬。伏陰也。朱氏申曰。陰陽極乎辨。故

虹不見。陳氏澣曰。虹非有質。而曰藏者。亦言其氣之下伏

耳。

天子居玄堂左个。乘玄路。駕鐵驪。載玄旂。衣黑衣服。玄玉食黍。

與篋其器。閔以奄。

呂氏春秋作宏。以弁淮南子有北宮御女擊磬石其兵鍛

正義

鄭氏康成曰。玄堂左个。北堂西偏也。鐵驪。色如鐵。黍。秀

舒散。屬火寒時食之。亦以安性也。篋。水畜器。閔而奄。象物閉

藏也。高氏誘曰。玄堂。向北堂左个。西頭室也。玄黑。皆順水

色也。宏。大弁。深象冬閉藏也。孔氏穎達曰。黑深而玄淺。旂

色淺衣色深玉亦用自然之色也

張氏虛曰冬爲玄英故

取以名冬所居此當亥上十月位也寒氣不可過故食火穀以減之寒氣不可抑故食當方之牲以存之

案黍南方之穀而宜黑墳冬食之從其宜也。菹坎畜坎一陽在陰中冬之象也陽在內故器中寬陰在外故上下窄。

是月也以立冬先立冬三日太史謁之天子曰某日立冬盛德在水天子乃齊立冬之日天子親帥三公九卿大夫以迎冬於北郊還反賞死事恤孤寡

正義

鄭氏康成曰死事謂以國事死者若公叔禺人顏涿聚

者也

孔疏公叔禺人見左傳哀十一年顏涿聚見左傳哀二十三年孤寡其妻子也有以惠

賜之大功加賞高氏誘曰迎冬於北六里之刻水氣用事

其先人有死王事以安社稷者賞其子孫有孤寡者矜恤之
孔氏穎達曰因殺氣之盛故賞死事以財祿供給其妻子
朱氏申曰賞軍帥武人所賞者猶寡賞死事而恤其孤寡
所賞者爲多蓋秋爲少陰而冬爲重陰故也

案仲春養幼少存諸孤順生氣之盛也孟冬賞死事恤孤寡
感殺氣之盛也

存疑張氏慮曰念死事之人慮其孤寡不得所養從而賞之
順時之政於是爲至

案賞與恤分二義蓋死事之子孫不孤寡者則賞之其孤寡
者則恤之恤視賞其惠又有加也高說甚明張氏混而一之
誤

是月也命太史釁龜筮占兆審卦。

若城曰句

吉凶是察。

句

阿黨則罪。

句

無有掩蔽。

筮初革反又呂氏春秋則命太卜禱祀龜筮審卦兆以察吉凶于時有阿上亂法者則罪之無有掩

蔽

正義

鄭氏康成曰筮著也周禮龜人上春釁龜謂建寅之月

秦以亥月爲歲首使太史釁龜筮與周異矣。今月令曰釁祠。

高氏誘曰周禮太卜掌三兆之法。一曰玉兆二曰瓦兆三

曰原兆又掌三易之法。一曰連山二曰歸藏三曰周易。龜曰

兆筮曰卦。故命太卜禱祀龜筮占兆審卦以知吉凶。於是有

阿意曲從取容於上以亂法度者必察知之則行其罪罰無

敢強匿者。方氏慤曰物有釁則妖作以血塗之祓除其釁

故謂之釁龜以下而有兆筮以筮而有卦兆有象故言占卦

有數故言審。占兆審卦則吉凶可得而知。必於歲首者。欲以知一歲之吉凶也。陸氏佃曰。釁龜筮災亦釁也。吉凶是察者。占人所謂以八簪占八頌。以八卦占簪之八故也。吳氏澄曰。兆謂龜所坼之兆。卦謂筮所得之卦。既命大史釁其龜筮。乃以龜卜之。觀卜之所遇爲何兆。以筮筮之。觀筮之所值爲何卦。於是推占其兆。測審其卦。以定吉凶何如也。馬氏曰。曲承曰阿。私附曰黨。掩自上掩之蔽。從旁蔽之。

存疑張氏處曰。阿黨之察亦係之太史者。如董狐趙盾之書南史崔杼之書其阿黨之罪毫無掩蔽也。

存異鄭氏康成曰。占兆龜之繇文也。吉凶謂易也。審省錄之而不釁筮短賤於龜也。阿黨謂治獄吏以私恩曲撓相爲也。

孔氏穎達曰。非但覺此龜筮。又覺此占兆。繇文易六十四卦。有吉有凶。故曰卦吉凶。是正審察獄吏阿黨之事。則在下犯罪之人。獄吏不能掩蔽。

辨正 邱氏光庭曰。孔云覺占兆之書。非也。周禮有覺龜無覺兆。兆辭存於竹帛。何容以血塗之哉。爾雅占視也。占繫人不繫兆也。易經三占廣大悉備。豈短賤於龜乎。筮短龜長。乃不善筮者之言耳。

案 或謂阿黨則罪。所謂假於卜筮以疑眾者殺也。存之以備一義。

是月也。天子始裘。

夏小正王始裘在九月

正義 鄭氏康成曰。九月授衣。至止可以加裘矣。高氏誘曰。

始猶先也。裘溫服優尊者。故先服之。張氏處曰。隕霜而冬裘具。故司裘以仲秋獻良裘。季秋獻功裘。至此天子始服之。以順時爲重也。

通論 陸氏佃曰。蔡邕云。祀天則大裘。然則祭地不大裘。明矣。故曰。掌爲大裘。以供王祀天之服。

案 夏暑而冬寒。天之道也。夏葛而冬裘。聖之制亦人之情也。命有司曰。天氣上騰。地氣下降。天地不通。閉塞而成冬。

正義 高氏誘曰。天地閉。冰霜栗烈。以成冬也。孔氏穎達曰。

十月地氣六陰俱升。天氣六陽並謝。天體在上。六陽歸於虛。無故曰上騰。地體在下。陰氣下連於地。故曰下降。馬氏晞。

孟曰。天地定位。而其氣升降於四時。交於南而辨於北。故夏。